

終身不一入口

趙士偉字碩人號黃山西鄉羊圈寨人幼喪母繼母遇之無恩
上偉承順曲至扶侍疾病宵不就寢者逾半載一夜疲極倚壁
微睡母適思飲頻呼始覺母怒之士偉愧悔自過已乃引錐刺
耳貫以細繩每夜持繩端授母手曰幸此則兒醒可不勞煩呼
母於是有喚輒牽初不知其貫於耳也病開始知為之感泣遂
若已出焉繼母歿葬後三月猶居冢次朝夕哭後居父喪廬墓
五年每夜持香一束戴土一簣土培冢上香焚其下雖風雨無
聞至病痺溼艱步履猶越日往宿以迄老今其冢邱特高大經
過者皆識之曰彼哉我者趙孝子父墓也

康君耀字焱伯號悔齋邑增生其先邵陽人祖逢乾始徙興平
縣城父序魁性至孝嘗吮母瘍邑人稱之君耀弱冠入庠篤好

學

六

性理之學事親竭誠值親怒時容色益和婉侍父疾藥皆先嘗
疾甚乃至嘗糞父沒遺一鵠朝夕撫飼如父時終喪乃放之繼
母姬嘗語人曰有兒如此使我忘寡同治初元回變起盡力襄
防務著訓勇文數條躬為講解士皆感奮効命疾病昏瞶猶喃
喃囑防守事不置焉

吉光烈字筮中邑庠生馬嵬鎮人同治初與咸陽張生皆挈家
客乾州解橐周其困乏臨別又貸之百金張自度無力以償詭
詞寄女而去旋寄書並致婚券請以其女充側室其女殊色也
光烈時年四十未有子妻李氏勸納之光烈引義峻拒閱二年
張來視女猶然垂角也駭而返走光烈賃車送女歸諸其家曰
女任君嫁銀可不償張登門叩謝而已

文學傳

楊岫字雙山邑監生南鄉桑家鎮人少出盤屋大儒李中孚之
門中孚許為命世才岫遂潛心聖學不應科舉自性命之原以
逮農桑禮樂靡不洞究精微桂林陳尙書撫陝時嘗聘至會城
就館訪道代為納粟入太學手題堂額協聯以旌其居一時要
人顯宦爭慕名來謁非同趣者概卻不見然與人和易不為矯
異之行化行一鄉鄉人有事謀焉有爭決焉善攝生九十猶童
顏著書之暇恒鼓琴自娛每深夜揮絃輒有雙鶴翔舞於庭著
幽風廣義四卷論蠶桑要法知本提綱十卷明五本三序為政
教倫業之統宗經國五政綱目八卷論治法而本之帝命五政
者農工禮樂與學為五也燮和直指若干卷論醫術岫學於醫
尤邃鄰家牛誤吞鐵釘岫與一方藥僅常品釘應時下醫者皆

學

七

不解所自嘗約先儒禮論酌立喪祭儀式行之其家又嫉女子
裹足為敝俗欲上書請禁未果亦自行於家教人以為己為宗
長安舉人鄭世鐸臨潼齊倬富平劉夢維皆其升堂弟子也卒
於乾隆五十年年九十有八道光中撫臣楊名揚下令興蠶桑
見幽風廣義大善之并岫他書及所為奏疏二篇上

宣廟手諭褒嘉命崇祀鄉賢子生洲亦聰穎好學嘗遊唐貴妃
楊太真墓閱石刻詩數百首歸而錄之不遺一字岫書注解多
出生洲與世鐸手
趙可臺字毅亭邑廩生西鄉郭村人父長民號二弄順天丁卯
舉人官廣東新安縣知縣攝連平州事可臺七歲失父幼即沉
靜嗜學入庠後得宋五子及王陽明書遂屏棄帖括篤志深造

其學以立誠爲指歸內省爲樞要生平應事待人皆根此而推暨教人先行後文然性命之旨語必擇可不概施也事繼母孫生母趙養志無違居母喪三年不出門庭不入內不肯酒肉戚黨婚喪之會無所與邑當秦蜀驛道差徭繁急吏胥居間影射民病益不支衆議創設差局推可臺總其事可臺爲立條規汰浮費杜侵漁歲省民錢萬計至今賴之卒於道光二十年年六十九可臺學力所至雖其執友門弟子莫能盡窺卒後其子習珠始於遺書中得其自敘文曰余弱冠卽好讀王文成公集後閱從吾道人記自是奮發進步法王心齋之勇羅近溪之堅希顏子之欲罷不能曾子之死而後已又曰己亥正月因一事相感觸忽悟一眞字爲初學指南因以眞名齋用自策勵兩年來覺讀書差有眞味處事接物亦有眞情從此振吾眞精神返吾眞面目庶得所謂良知乎邑士聞之乃頗知其學術淵源至造詣之精微卒莫得而言也但能言其孝行而已

與平縣志卷二

六

高騰雲字子驥城北高翔堡人乾隆庚子副榜仕至興安府教授學問淵深事繼母以純孝稱嘗冬月省墓有盜伐墳樹者騰雲望而卻避伺其去遠乃出其仁厚如此子加祿字受天道光癸卯舉人年五十餘猶婉孌娛母若孺子然事兄長祿則謹恪如對嚴君長祿以拔貢官城因教諭剛簡有威少與同里劉邦達友善至三彌篤時論謂之石交

劉邦達字參侯縣東堡人邑歲貢生官中部教諭家極貧常忍飢勤學至得眩暈疾罷官後貧如故性耿介終身不向人請貸不受饋遺嘗拾遺金數餅原封還其主不一啟視卒於道光二十二年七月十五同時有廩生羅夢蘭者羅家寨人亦以碩學

聞一邑家故裕喜施致貧晚年授徒自給生徒及戚族多饒饘終無所干請死無以殮門人會購乃克葬

王珪字子堅邑庠生史村人好古力行不事浮文嘗讀李二曲反身錄關學編諸書慨然有志心性之學尤慕明儒高陵呂柟爲人事親婉而恪有不合則積誠感之居父喪水漿不入口者三日三年不飲酒食肉御內一遵古禮鄉人借其父錢萬餘緡父歿後盡出券焚之

趙先甲字子辛邑貢生桑家鎮人讀書數徧卽終身不忘深於經學淵博絕人制義學金聲陳際泰入其局與事父篤孝父病至爲嘗糞居伯父喪哀毀如喪父卒於同治六年年六十二先甲有所善廩生田懷玉趙村人篤志勤學淹貫經史旁涉諸子百家教人尤精審其所講授必爲注明故實亦以孝聞繼母性嚴懷玉竭誠動之卒克諧焉

與平縣志卷二

九

張時傑字際三岳阜村人道光丁酉舉人學極精博十三經疑義隱字無不考辨詳晰性矜嚴雖盛暑必正衣冠謹於擇交不苟言笑不喜近婦人咸豐改元舉孝廉方正不仕而卒年七十六時張耳村生員葛三畏亦以嚴重稱生平不觀戲劇坐立必莊行無旁睨居距桑家鎮裁里許足不入市者二十年善醫術拯人之危不受饋謝里人有爭競得其一言咸折服焉

論曰學以文爲表以行爲幹文行兼而儒名焉漢以來學之途始分於是其有經術有文章至宋而又有道學要之詰經纂言文也講學亦文也文而無行以幹之溺辭章者固失談心性者果遂得乎若楊岫以下諸人制行既卓卓若是其於學淺深何如也

列女傳上

士女續志卷三

陳大庫之妻楊氏南鄉鐵爐堡人同治元年七月賊陷鄰堡楊懼辱攜姪先知子先業付大庫曰事急矣請君以兒輩出走勿復顧妾言已呼子婦劉氏解氏王氏二女珠連俊英出室曰賊鋒已迫有恥者各自為計母玷先人門戶劉氏等五人相率入井楊抱二幼子擲井中乃自投焉大庫迴視見妻女子婦之皆死也遂藏先業於窖與先知亦投別井死

南玉貞之母晁氏妻晁氏女且姓弟玉珠之妻王氏子婦武氏北鄉史名村人同治二年六月回賊入村晁氏等齊聲憤罵賊先殺其母以懼之罵益烈次捶王氏晁氏皆至死無撓詞武氏年二十許且娃甫笄賊誘脅百端罵終不止最後捶殺之並殺玉珠子鈎娃盡投其屍井中南氏自是遂絕鄰里傷之

許二梁之妻魏嬌東鄉南馬折村人同治元年七月與同村婦女避賊賊猝至有鄰女色絕艷賊就調之女未及答嬌呼女急語曰此賊也頭可斷身不可失女即投路旁井中少婦從而投者三人賊恨嬌甚舉鐵盆擊中其腦髓迸出井水故淺四人者竟皆無恙而嬌獨死焉

高發之妻許氏南馬折村人年二十而寡姑老家貧或勸之嫁泣曰吾去姑誰依自是晝耕夜績噉糟糠衣鶉結以供養姑歿既葬同治元年九月道與賊遇為所逼罵曰乃母苦節廿餘年渾身肌肉皆冰玉豈為豬種辱耶賊支解之其後馬甘村武生史振邦之妻高其子致中之妻盧亦皆守節數十載同日罵賊捐軀高即元年死難武生懷清之母盧其嫂也符景懷之母平崇姑東鄉馬祿村人同治元年景懷禦賊授命

平與寡媳幼孫居閱數月賊又至使媳抱孫入窖已端坐待賊賊見其貧嫗也啗以利令指村人窖藏不為動脅以威亦不懼逼之則大罵賊怒箠楚交下又不令速死自未至酉體浸糜爛而罵愈厲賊去村人往殮微息繞存猶豎眉切齒喉間隱隱作響聲焉

趙丁才之母董氏妻王氏北鄉陳干村人同治二年九月賊入村婦姑皆嫗爭求先死賊割其耳不懼又劓其鼻罵愈酷乃俱殺之董年七十二矣王甫二十四

馮尙綱之妹馮氏定周鎮人年十五未字同治二年三月賊陷鎮被執罵不絕口賊悅其美也媚以好言罵愈甚強扶上馬願見散旁挂刀抽之刺賊不中被斃割而死

滕賢娃之妻史氏北鄉張里村人同治二年三月為賊所得以面觸壁自毀其容因大罵賊涎其色不肯殺乘間拔賊佩刀白刃而死時年二十八

馮賃娃之妻梁氏定周鎮人寡居無子同治六年四月聞賊入鎮潔衣獨坐賊至嫗罵求死遂遇害時年三十五先是店張鎮張雲昌之母高北市村楊永新之妻張西吳鎮許世業之妻馮皆以節婦罵賊被戕馮年二十二高年五十守節逾三十載矣

張噉糠糗廿餘年奉姑勤苦人尤賢之次子武亦素孝既值賊猶戀母不忍離遂借死焉

張羅子之妻劉明珠北堡人同治元年七月與婦女數十避亂雁村未及下車賊騎突至環之而譟明珠顧車旁有深溪簪身躍入少婦從而投者十餘皆死焉明珠時年十九耳

陳先修之妻石氏南鄉塔兒寺人同治二年五月賊擾寺堡被

其面曰我願從吾父死不從爾豬種生賊百方媚誘罵益烈至斷腕椽陰而死

生員解學縉之女黑娃馬駒村人同治元年七月陷於賊賊黠其色強扶置馬上奮力投下如是者三賊恨之碎軀爲十餘段瀕死罵猶不止時有豆馬村趙長命之妻來桐女張安廷之妻榮罕希許登廉之妻張淡花皆出村拾柴遇賊騎扶之上鞍屢扶屢墜二賊傍馬夾挾之終不能強以死桐女罕希手搔賊面出血其死尤酷

張興齋之姊滑姐馬駒村人年十五未字同治元年八月逃難藥林村中途遇賊強逼之大罵弗從賊斷其左指既又斷其右指罵終不休剖腹而斃時同村解萬經之妹雙丁亦被逼酷罵節解以死里人謂雙丁滑姐與張葉葉解黑娃爲四烈女而史

名村南恒新之女率姓南佐村趙得運之妹任女皆并年被掠罵賊見戕焉

許魁凌之妻張多嫌豆馬村人魁凌以團長戰死張刈禾村外猝爲賊掠大罵不已賊怒槍洞其胸腸出尺餘村人登陴者皆遙聞罵聲時費家莊費道春妻某氏亦以夫死於賊哭罵被戕事具其夫傳而溫陽坊康玉忠妻胡萬花者迎門罵賊賊推出之復闖入者四賊擊以石杆猶獸行而罵遂被害焉

楊桂林之叔母王盈東鄉大阜村人同治元年九月攜一子從姑避難賊殺其姑盈置子弗顧趨前請代姑死賊不許赤手捍刃遂遇害子亦被殺同時有黑張堡張思溫妻尹氏正安坊丁成年妻張纏綿皆孝婦也尹扶侍翁病中途遇賊纏綿翁爲賊執趨救不得皆憤嘗死之而郭村趙嶽之妻彭惠英亦以救母

被執大罵而死

王積賢之妻史喜謙同治五年十二月陷於髮賊肆罵求速死賊羨其色置若罔聞縛載車上行至滑濱忽回轡作喜笑謂賊曰我罵若若無怒意是愛我也既愛我忍急縛之如羔豚乎賊命緩縛即躍入水中有同鄉人王元利脫歸而述之如此時年二十先是新村任之永之妻楊助女及其姪婦劉學女皆爲回賊所逼投澗水死

李生梅之妻史杏花東鄉時下村人同治二年六月掠於賊賊愛其美與之首飾綵服杏花盡裂碎之賊將昇置之車斃賊臂流血被碎屍以死

郭登策之妻魏荻花油郭村人同治二年九月登策爲賊執荻花救夫格賊賊逐之不去擊以矛桿自投火中死時同村郭堂才之妻張裁成史名村南生福之妻劉瑞女陳王村楊培盛之妻薛趙村生員姚應策之妻楊皆以夫擄於賊向之大罵裁成

割舌剔目而絕瑞女薛氏皆被捶死楊氏事具其夫傳論曰余次死節諸烈士至楊米嘉罵賊割舌悲其以匹夫而追顏常山以爲曠世僅一見孰知閭閻中乃又有張裁成乎嗚呼米嘉猶男子也

監生裴化溥之妻張氏南佐村人同治六年三月入嘗避賊賊縱火燒窗口張聞哭聲心疑化溥被獲冒火出視果其夫也趨之則首已斷矣乃反身赴火以殉

生員葛賦周之妻翟曬姐馬嶺鎮人同治六年三月夫爲髮賊所執曬姐自窗突出請以身代賊信之賦周甫脫卽躍入井而死先是蔡家莊梁長成之妻張桂花者亦與夫同被擄持賊

裾與曬語以脫其夫夫去既遠乃斥罵不已被亂刀砍死

白建封之妻趙氏北鄉益匠村人同治六年三月賊入村見執
伴好語曰釋我我與若炊食食之可借去賊釋之急奔宅後投
井死時有陳王村魏定國之妻趙氏者夜被賊執給賊曰容我
入後房抱子出則從爾賊尾之入房實無子蓋將赴井也急縛
之遂大罵以死年二十有二

張祥之妻何氏南鄉張埠寨人同治二年五月從夫赴城猝遇
賊賊悅之好謂曰從我我釋爾夫何不許遂殺祥何哭且罵賊
割其肉至盡罵猶不絕

何占清之妻劉氏文丁家堡人同治元年十月堡陷為賊所逼
持厨刀砍賊中志羣賊尋大至乃引刀自斷其喉而死時年十
九

卷三

美

翟登管之妻閻道女丁家堡人同治元年十月陷於賊賊將汚
焉道女厲聲斥罵連被刀斫罵益甚持著火上燒殺之時龍過
村閻某之妻馬愛女店張鎮張起福之妻范拴皆拒賊被賊愛
女毒罵不已鬻割焚灼而死范拴被毆無完膚終不屈遂見殺
邱茂蘭之妻魏菜豆西鄉温陽坊人同治六年三月髮賊入村
對衆淫汚婦女菜豆不忍見憤罵曰狗產能向人作如此事全
無面皮耶賊起以刀斃菜豆面割其皮而去竟日乃絕

軍興以來邑婦女罵賊被賊者又有惠址坊王忠信之女瓊
花呂生財之嫂劉記姓張里村孟殿章之妻張東堡生員高
應震之女貫英馬駒村解起高之女罕希柳樹屯李毛四之
妻何陳有德之母李楊河南之母曹審頭堡高太賓之妻魏
春香油郭堡郭建德之妻解史名村南化成之母康坡耳頭

李貫之母岳紫陽村楊封之妻穆菱花宋家莊焦振魁之妻

翟李炳元之妻李祝原村王振綱之女秋英桑家鎮程寬之
女驚驚生員石攻王之妻朱烈烈小田村何魁之妻焦劉才
之女希欠郭村趙珠之女金花花王堡王氏女蓮花新庄王
芒娃之妻王玉花任堡監生趙鼎之女粉英梁建基之妻郭
王堡劉永法之妻袁亥村彭萬魁之妻原村楊奉積之妻
趙銀子楊景才之妻劉禮村閻大公之妻姚鬧心敬之妻楊
歪子湯台王慶封之妻魏安家鬼張大喜之妻楊兩娃楊孝
之妻來楊流娃之妻翟牡丹板橋龐天書之妻李侯廷桓之
妻李龐三多之女貞貞高廣文之女芒芒址坊頭李順安之
妻王索正寨任曾甲之妻曹杏花龍過村閻馬氏眷女閻葛
氏苑女羊耳村任紀安之母李雒家莊張積誠之母劉赦女

卷三

美

辛村翟厚之嫂楊新建坊劉梁氏玉英劉翟氏招女宇家莊
宇克澤之妻閻道張村張大鑄之妻陳水道口李景春之未
婚子婦岳未婚姪婦車杏女安谷坊車成之女桂英順址坊
郭靖之妻楊白女蔡家莊梁六娃之母宗涇陽客民楊仲元
之妻王弟大忠之妻劉于士興之妻李柏建鑑之妻淡弟建
錫之妻魏建鐸之妻淡柏永茂之妻孟文便兒藥市村來瑞
之女料子馬鬼鎮吉保之妻閻格娃吉皮匠之妻戴李祥之
妻劉見姐劉成之妻任梨花劉甲寅之妻孫女娃宋家莊李
彥福之妻楊李廷倉之妻張李永春之妻張康明登之妻楊
李世義之妻穆李玉朝之妻翟西史村王德元之女秀貞北
任堡趙維周之妻趙鳳蓮畢家莊郭義我之妻張局子南湯
台楊生和之女丰花王堡彭德心之妻吳選選趙村田葛底

張家村武舉郭世英之妻李

楊選之妻閻氏安家鬼人年二十六而寡閨門嚴肅足不出戶庭者十餘載嘗侍姑病經旬不就寢及病篤絮衾數寸姑卧猶不安閻乃置姑懷中或抱著膝上竟日夜忘倦同治元年丁月賊至村憤激自盡子婦侯油油亦從死焉廩生楊立程妻也

自同治元年迄六年賊不時竄擾鄉村邑婦女懼辱自盡者又有惠址坊張大吉之母趙胡胡其妻丁白娃安家鬼廩生孫孝友之妻楊命娃楊林娃之妻張香娃楊阜之妻閻菱花女金且孫遇合之妻任連剋鄭虎寅之妻麗兩娃康五元之女便便楊忠之女船船吳法寅之女川花宋家庄焦振魁之女崇嬰焦遇和之妻谷李信成之妻孫焦萬全之妻張焦萬清之妻楊焦永春之妻田焦同之妻梁焦開泰之妻袁焦長

豐之妻楊焦永清之妻李大方之妻任焦永尚之妻張焦

茂之妻李焦熱開之妻楊焦歪頭之妻田北任莊何茂之妻王晁家莊李來之妻周蕎花板橋龐天成之妻吳翠花何水娃之妻張全花高萬娃之妻張秋英南湯台黃三德之妻于東辛莊魯祥之妻軒嬰嬰王天懷之妻張豆花楊玉秀之妻楊久之荷家坡周玉之女毛女馬崑鎮閻生成之妻張姘姐其女罕希馬五之女麥花李九之妻馮香劉成之妻任藕絲劉天安之妻某劉天平之妻巨馮玉盛之妻王宋村葛清正之妻張貞花張村任照才之妻王任祥之妻胡任杰之女堂堂畢家莊梁景倉之妻解陳娃張玉之妻劉莪花冉家寨王魁之妻楊線線湯台趙官局之妻高毛兒小田村何虎將之妻劉原村王遇和之妻楊芡花雷德之妻張蓮子劉英之女

九九雷德之女辨辨雒家莊張三麻之妻梁丁香大通坊田

四喜之妻杜殿村田萬有之妻閻富花閻羊羔之妻任閻記娃之妻彭閻心甯之妻田温陽坊任瓜子之妻康進花解村員義孔之妻晁格周村楊茂之妻焦蕭忠之妻李線線宋家莊南巷焦倉之妻梁焦翰之妻陳焦文之妻田焦龍之妻張餘之妻翟張儉之妻康張天祥之妻嚴焦積魁之妻李焦積善之妻李焦萬年之妻張李玉堂之妻師李金官之妻翟李順清之妻何李應孝之妻穆李春之妻梁李蔚之妻田李拴娃之妻馮索寨曹學周之妻甯罕罕學王村雷四之妻胡高坤之妻葛英娃袁之妻張耀娃其女燈花木重之妻康涇陽縣客民劉縉之妻馮弟經之妻劉其姪廷弼之妻第五廷佐之妻仇縉女翠環經女年花水仙弟綸之妻張女桂

花

羅福之母郭氏塔兒寺人同治元年七月賊陷寺堡郭攜女嫗姐立井上賊至極口斥罵遂皆投井死時同村陳廷揆妻李亦抱子赴井賊逼之先擲其子已乃躍入而故市村王恩之妻王其弟楷之妻李棟之妻劉皆揭瓦擊賊不勝相率入井以死事具舉人王建極傳廩生解友煜之妻許氏南馬折村人同治五年十二月髮賊擾村許縫合衣裙先投井內賊望見其美持索牽出許張目哭曰秀才妻乃為賊牽耶翻身入井而斃先是張鎮村宋仲堪之母張亦遇賊投井賊縋上復入井死而馬鬼王冬至之女裙裙者再入井賊再出之橫置馬上復奮力投墜奔入路井賊以石擊殺之

生員高效周之妻馮富華豆馬村人性溫淑事姑稱孝同治元年六月村陷為賊所逼擁好言誑賊賊伺持稍緩奔投門外井中以死村人無知者咸謂被擄去矣閱二年衆淘井出其屍屍不可辨識因簪履識之效周撫之泣曰脫非此簪則吾妻終為從賊人矣竟哉

論曰死難一也或傳或不傳或反被污名而莫之省此殆有天焉富華一鄉村女子其事近在里閭其時僅閱二三載然非一簪之別終無能明之者然則古今忠臣義士委骨沙磧榛莽間而湮沒不彰且受污史籍者可勝道哉

軍興以來邑婦女遇賊不辱投井死者又有油郭村郭經姪之母王郭長元之妻許葱店張鎮孔七之妻張煥北市村楊桂之妻馬楊維茂之女真珠南市村劉三畏之妹香娃豐義

坊楊致中之妻張滙女三渠村劉天昇之妻孟隨香于長絨之妻張海棠坡頭范吉林之妻魏范吉新之妻劉范大祥之妻馬東馬村高長之女白女新原村解連三之女仙花尙志村張羅娃之妻劉龍過村閻康氏盈女閻任氏雲女雲女之女閻過女閻德之女如格史村王允忠之妻邊柳樹屯陳景先之妻梁布市村張鼎之妻王祖門堡高京河之妻高富女

列女傳下

馮貞女名夏娃北鄉子孝村人許字縣城庠生張九德之子翔未婚而翔卒時女年十六父母秘其語且將受他姓聘女察知之竊製縵服燕焉鄰有某媪者健婦也日販菜果一至城適馮夫婦皆他出女託赴縣探親媪導路比入城忽出縵經着之媪大駭女以情告因請其導至張門入伏喪所哭盡哀起拜舅姑請留奉晨昏九德愕然邀馮夫婦至勸使歸不聽強之則以死拒九德察其志堅居之靜室擇老婦樸慤者伴馮女自立課程日讀孝經若干字績線若干兩不中程不得息雖酷暑佳節無少減與女伴處有語涉嫖狎者遽起走不返顧花燈綵裝之戲生平不一寓目自終歲一省父母外未嘗輕出戶庭以兄子慎修為嗣卒於道光十五年二十九邑令具其事上請得

旨旌表如例後二十餘年而有張貞女事

張貞女名就女咸陽肖相里人許字店張南堡周令姓令娃以是年客關西閱十六年不歸遂卒於外明年柩返女縵服赴周門誓不他適自是孝養舅姑日夜習織紡不怠動依禮法嘖笑無苟同治元年八月回賊入堡見逼大罵不屈解體而死年四十有七方就女守貞時店張又有寶貞女事

寶貞女名蟬店張南田村人幼許鄰堡宋牛兒六歲育於翁家翁姑愛其孝順視之如女未及婚牛兒客死關外蟬父應元迎女還為覓富家將嫁之蟬聞其議潛奔宋門遂留奉翁姑閱八載應元利得聘貲訟之縣庭蟬齧指出血誓不他適縣令為感歎歸之宋道光二十六年事也自此竟與母家絕足不出閨門以老

生員張映桂之妻章命女王后村人同治二年映桂避亂縣城以疫卒家人初不以告命文心動悲泣既而詢得其狀力請赴縣迎柩道梗不果行乃索布手製縗服服成沐浴整髮而出眾見其不感也伺防稍懈忽乘間投井家人救出之百方慰解泣不若進之食終不舉者凡絕粒五日而歿時年三十有八其後四年費家莊費振篤之妻劉慈嫻亦自經殉夫事具其夫傳生員邊長庚之妻曾氏留位村人幼讀書史樂道古賢文孝婦事笄年適長庚侍姑疾夜不解衣者累月鍼帶縗經並丁絕時或小誤為姑指駁則惶愧自責若負重負長庚才雋而早卒時曾年甫二十清操嶢然動成儀範邑俗好演劇歲時集會男女分曹對觀不以為異曾自少至老未嘗一寓目少其姊十七歲幼時嘗吮姊乳姊夫亦提抱之及為媼媼適母家姊夫不得一見有疾不許醫診視令婢子傳說疾狀而已疾病預囑家人曰屬續後俾某某夏衣某某收殮某某昇尸入棺皆親串婦女也男子概不得近前臨歿復囑之其嚴如此以道光三十年卒卒年五十子朝歲貢生孫葆謙庠生世傳詩禮不衰論者以為節孝之遺澤云

卷之三

五

客死於外凶耗至姑慟絕田拊膺誓曰夫死弟幼家無寸土婦不捨阿母去也自是身不下機資女紅易米肉奉姑撫夫弟如子為娶妻成室而刻己茹苦冬不火炕日惟一餐而已母家屢令改醮終不從死拒姑沒後英姑母任氏貧寡且替延至家事之如姑者又十年

魯長庚之妻陳氏阿上村人年二十六而寡家亦貧嘗終日不舉火然性耿介終身不向人求請鄰里聞其飢餓微問之亦諱不言鄉人咸起敬焉卒時年七十有三其後有南義坊陳大體之妻武北市村楊庚午之妻程皆屬節寒門備嘗荼苦武撫二子成立程中年喪子而矢志彌堅其遇尤慘云

邊占菴之妻張氏留位村人年二十三而寡性極重動必蹈禮不苟言笑自寡居後姻戚罕見其面無子以姪長齡嗣卒時年六十時有同村生員邊貢釐之妻李鄰村董得善之妻楊馬世誠之妻王皆賢而少寡李以溫惠楊以清操稱馬氏五十餘口同爨王推甘任苦消弭嫌釁妯娌有競織細道是非者輒拚耳走避論者尤難之

吳師賢之妻王氏蔡家莊人寡居時年二十子朝陽生甫六月家貧無依資鍼帶奉姑筵宴不赴戲劇不眺及朝陽子善美入塾束脩應試之費適出其手卒年七十有六其後有西史村王吉明之母周氏者乾州生員周大力之女年十九而寡吉明其遺腹子也親老食貧紡績為養或誤使改嫁則悲哭以拒今年七十有八矣

生員薛過庚之母張氏苟家坡人寡居奉舅姑素稱孝謹同治元年十月賊陷村村人悉逃匿張以舅姑老病守侍不忍離賊

空匍匐泣請曰八十歲老翁媪血不足汚兵刃請以身代其死賊感其誠懇皆捨之張年至六十有五無疾而終時有史扶周之妻邊氏者年二十六而寡敬事舅姑姑臨終囑家人曰我死必勸此婦孝行於下 慕側其得親心如此

右貞女二人烈婦二人節婦孝婦十一人皆以光緒二年詳報 旌表時同 旌者又有馬祿村符雲舉之妻劉岳阜察張昭之妻王馬駒村王思敬之妻胡趙村廩生田懷玉之妻趙白家宮劉讓德之妻高安家鬼楊選之妻閩縣南堡許元奇之妻楊縣城李過春之妻張郭孝年之妻尹南位坊庚生陳兆晉之妻王

自乾隆四十九年以來邑節婦貞女已 旌者乾隆中有楊思庭妻吳魏春妻程李珂妻劉趙先登妻惠趙捷登妻吳嘉

學縣志卷三

三

以中有梁自正妻張呂學德妻趙陳世福妻吳生員夏從仁妻解張宗彪妻楊姬景恒妻范杜憲典妻李李成踐妻高羅文徽妻雲梁自才妻王亢君賢妻馬亢君惠妻趙宋奇才妻金馬合仁妻葛南振西妻范張文明妻任道光中有翟中興妻焦楊毓蘭妻任高文明妻梁李繼睦妻范生員李應旂妻張傅嶽妻馮馮玉輝妻甯張守儒妻梁吳之盛妻魯張輔清妻章楊振基妻王武振基妻劉楊金貴妻董宋振柱妻王宋振滿妻張禮妻趙高慶得妻馮楊招財妻栗王信妻裴楊秉智妻呂徐治民妻高郭培康妻李許彩夏妻朱邊朝錫妻趙陳九齡妻曹孟廷芳妻馮聲信妻杜王乃明妻崔馮大典妻楊康鴻福妻崔馮世德妻平張宗智妻楊楊本盛妻高孫中元妻史趙奉玉妻郭解文潔妻郭監生李之芝妻袁周智


學縣志卷三

三


妻李王之安妻杜許文金妻袁許應春妻白張萬春妻邊廷信妻李王汝神妻梁董郡妻董王成章妻趙劉芳妻南劉安民妻趙董弼臣妻崔劉海妻南張必顯妻侯張進賢妻王進英妻劉田積玉妻錢古道義妻劉梁楓妻趙李世長妻葛李天香妻李生員葛天民妻翟賈文德妻王張增妻張趙光順妻楊袁建妻田淡文升妻薛楊秀成妻計田盛民妻焦王登連妻田趙芳妻崔李興唐妻李袁鳳妻賈李太妻王楊元利妻劉劉月端妻田賈天府妻翟張惠妻郭張施妻于任詔友妻趙楊渾妻賈翟騰甲妻張趙宗禮妻趙龐三讓妻王郭登和妻魏王化遠妻張張九能妻高張世福妻巨張友偃妻費張大順妻趙張天受妻魯張友益妻馬孟英妻馬楊三揚妻馬呂不成妻馬生員葛發榮妻楊劉振西妻任任長春妻楊孫耀妻劉劉秉林妻王韓世杰妻李陳和妻董孟文路妻杜高保妻陳高珍妻張王思敬妻王劉銳妻王魯可倉妻楊巨應才妻段趙花妻張張孝妻康張步青妻邱任宗慶妻李李天錫妻楊淡炳文妻王鄧福臨妻劉劉代富妻楊吳發前妻劉袁恕妻李劉成吉妻吳趙進禮妻劉師文通妻雷董積順妻楊趙相如妻邊趙梅妻張郭善妻劉段惠妻徐邊尙義妻賈陳兆泰妻張趙忠孝妻李符振元妻楊劉清安妻李史篤妻楊趙魁妻龐武成名妻張魏昌進妻費劉君成妻王陳宏純妻王傅耀妻李馮其度妻劉張居奇妻張馬花妻劉張昇妻劉高必超妻史王加珍妻馮吉孝妻岳王乃民妻魏楊毓植妻羅許可均妻劉史登科妻王岳彩妻吳何黨金妻劉劉順妻李任進富妻朱薛必庫妻陳張尙龍妻喬趙斐然

妻王田舉妻李崔奉召妻張南奉先妻劉田文濟妻胡郭登
興妻周劉繼業妻晁高乃光妻韋楊守綱妻王陳萬祥妻李
馮玉堂妻魏王銳盛妻雷張彪妻董趙應舉妻王趙文友妻
楊何經妻王張顯德妻章宋有成妻朱劉天成妻閻監生任
裕德妻蕭生員葛鳳逸妻魏許福長妻楊康登高妻淡馬懷
鳳妻張朱喜全妻史許明妻趙馮志亨妻陳張銀妻章丁懷
珍妻楊陳王泰妻楊賈崇受妻弓秦國興妻馬趙本妻穆趙
梅妻張李應時妻梅楊世廣妻孟趙繼周妻張孟景春妻于
薛進孝妻康馮君秉妻王于廷友妻趙李勝楊妻張王嘉賓
妻范賈進才妻呂孟永積妻郭師文正妻王邊建都妻解解
宗有妻白許文昌妻鄧王元妻張王羅妻劉程文德妻南譚
敖妻陳杜旭妻郝楊作真妻田楊海妻王監生趙明德妻張
增生杜擘妻田焦順妻李鄭俊妻田周發妻焦張思孟妻崔
吳惠妻彭王深妻胡徐治藩妻強趙天申妻程陳方益妻毛
李繇妻翟田增春妻葛張宗良妻巨武修文妻張于龍妻劉
楊天現妻王李及泉妻南趙久安妻劉陳萬春妻符孟錫文
妻任楊天成妻南李榮妻南王君輔妻劉王端妻馮劉萬春
妻范武守璽妻范趙智妻傅傅焯妻楊杜元漢妻張楊樂妻
武葛斗微妻楊田文實妻任張代相妻高周體學妻成王者
興妻張趙雅妻劉孫逢吉妻王劉綸妻張孟文彩妻姚張元
講妻宇李之廉妻吳楊永泰妻高楊受妻孟王玉妻楊張執
禮妻邱田新民妻李張據桂妻梁吳好仁妻梁郭培植妻李
羅廷妻馮楊志妻楊張隨妻趙趙自德妻何孟學禹妻范黃
文成妻李張其祿妻王薛智妻王來偉妻楊王元彪妻王李

永玉妻張王福妻武師琳妻李婦安岳中奇妻張廩生魏統
紀妻楊魏其榮妻王賈文獻妻張張明妻李咸豐中有張柏
齡妻張玉珂妻王張丕烈妻嚴陳萬邦妻寶裴有為妻鄧
任啟泰妻蕭葛三省妻劉任際泰妻張葛蔚妻任王登科妻
劉范步和妻羅監生杜清妻張李登智妻楊梁錫成妻周
孝子己旌者嘉慶中有姚本務道光中有范大河
瘋婦馬氏者馬阜村羅某妻也年十七而寡家貧姑老嘗以鍼
帚易麥米親春以日飾以巾熟而進之終不假手於人有傭人
蒲姓挑以褻語婦詬詈不已自是忽啼忽笑或自批其頰或自
斷其機或面壁默坐晷日夜不寢食有勸之嫁者則大笑不止
惟見姑來則俯首拈帶笑頓止醫者診之曰此心疾也嫁之可
愈不然必死適藥里村許某喪妻謀諸其姑給而昇之入門見
花燭驟起如廁遂就豬羣止宿許某百方譬導卒不答亦不出
廁許計窮將返之羅而羅母適卒族黨無肯受者乃即豬牢架
木蓋草以爲之居久之許亦卒許子婉勸出牢不聽再勸之則
呼羅某而哭居恒績線自業或予以蔽衣則補綴著之予以新
衣則擲出年八十餘竟卒於牢中邑人莫之能識但呼爲瘋婦
而已嘗私語所善老嫗曰使我在羅室病豈至是聞者乃覺其
非真疾焉
論曰蘇武嚼雪噉旃死不貳其操焦先避世居土室數十載
前史皆以爲奇節然彼猶與人侶也傷哉馬氏乃至與豬侶耶
嗟呼人而侶豬者古今祇此一人豬而侶人者何多也然則馬
氏非狂也



民國重纂興平縣志



王廷珪
張元際
馮光裕
纂修

本書八卷，據民國十二年（一九二三）西安藝林印書局鉛印本影印。

重脩興平縣志敘

民國建元之十有二年歲首之月重脩興平縣志既脫稿將成書局中同事諸君子來索敘予謂縣之有志猶國之有史也一國之史官有專司日有記錄故其典章文物燦然大備而無或缺至其成書則必待諸易世而後予奪褒貶出以至公所以昭奕世示來茲也而縣志一書其體例規模蓋亦仿諸史但脩訂之期往往經數十年而一脩或百數十年而一脩其間風俗之良窳政治之改革人才之興衰地域之變遷恆不能得其梗概蓋書闕有間不得隨時增脩爲之弊也壬戌夏予奉命來代斯邑篆下車之始卽取斯邑舊志而翻閱之見此志爲有清中葉

興平縣志

卷一

序

一

西安縣林印書社代印

乾隆四十二年邑侯顧君聲雷奉大中丞鎮洋畢公命而重脩之本體例雖合載籍亦富其考据沿革確亦信而可據無如越時既久於近百數十年來無所徵文獻焉固不獨爲本邑士大夫之羞抑亦官斯土者不能辭其責也則夫重脩之舉又顧可緩乎哉然其時戎馬倉皇之餘荏苒擾攘之際大軍駐境供應浩繁又兼招聚流亡勞於撫字有志未逮良用皇然八月秋丁釋菜於泮宮大會閣邑師儒撤饌享餘因與耆宿張君曉山徐君奉伯馮君孝伯共商重脩之議三君極力讚同並允分纂之任遂於某月某日設局開辦搜羅採訪日起有功而三君亦燃椽燭呵凍筆孜孜矻矻昕夕靡已越四閱月而書成速矣哉亦

苦矣哉體例較舊志爲緊嚴規模較舊志爲完備惟人物一志義烈節烈各門所收較多未免滋譏然泮薄俗而厲頹風取資觀感於義法固無所乖也斯書一出論世者其殆將以斯爲知言歟予亦適於是時奉命調代華陰倚裝走筆率爾書此不過聊以誌茲事之緣起云爾

民國十二年一月卸任興平縣知事燕南王廷珪季瞻氏敘

興平縣志

卷一

序

一

西安縣林印書社代印

序

余蒞興之明年春適邑乘重修告成董其事者句一言以弁諸簡夫志之名始於班書體昉於決錄黃圖備掌故彰往哲也吾謂尤在勸來者來者不勸往哲陳迹等芻狗耳奚以迪前徽而發揚光大乎興之往哲若竇馬若耿班史策焜耀炳炳乎稱極盛已乃時閱千餘年後人材衰滅大異疇昔不惟伏波定遠之助名郭伋秦彭之吏治鳳毛麟角莫之能得即馬融賈逵之儒林班固傅毅之文學亦寥寥不可復睹宋元迄今竟無一人與於史氏之傳者豈黃山清渭之間氣洩於前而莫之繼歟抑王都東遷雖有其人而振拔莫由歟夫極盛固難為繼而剝久亦自當復興之人材弗振久矣吾甚願邦之人士立德立功立言與竇馬耿班後先輝映則所以光岳色而壯河聲者固大有在甯止絢槐里清華增茂陵典重已哉余忝長縣例須一言然事之緣起王知事既詳於前志之體例諸編輯又臚於後不復再贅惟舉興產之垂大名於宇宙抗威稜於絕域者彌之禩之以勗茲邦邑人士而郭秦諸循良政績為吏者皆可師也亦用以自勗焉癸亥仲春山右禹都李居義識於署之海棠軒

序

余主清麓講席後蟄鄉溫舊業間率孫曾採蔬觀稼老自適也孟秋丁祭前日知友約入廟陳設遇縣長王公季瞻揖而坐談公即訂修縣志以謝陋辭公曰借奉伯孝伯二君為之不自量其昏眊遂忝與分纂之役焉竊嘗思之古蹟陵墓一土邱耳奚足令人馳念碑志金石一殘文耳奚足令人生欽官師人物骨灰已久奚足令人仰止千百年以前之人事能令千百年以後之秉筆者外詳採訪內極摹寫低徊往復惟恐有遺又恐失真蓋必有所以致此者而後念之欽之仰止不違也夫彰前所以勸後後者不勸空文何裨今之秉筆者其他日之士邱殘文與平縣志卷一序四一西安藝林印書社代印

官師人物也能令為此者低徊往復乎能令閱者念之欽之仰止乎逐類以思其所書者無非自歎之端即無非自愧之端更無非自奮之端也予年七十有二矣老陋無成二君將近班白程子云不學便老而衰是學則不衰也朱子云一息尚存此志不容少懈是懈則空存也昂昂七尺之軀蜉蝣黃山渭水之間不自振拔虛擲何為惟有法程之學朱之不懈以與邑人士交勉冀為他日欽之念之仰止之人也是則區區之志也張元際撰

序

輯一邑千百年人物事變而都為一書而曰志志也者所以規
 風俗考政治別人才也吾興志書前乎此者有斗陽章公矣繼
 之者胡公蛟齡也又繼者顧公聲雷也續士女者王公心如也
 義例精嚴取裁詳慎今復幾歷世矣文獻無徵于焉滋懼歲壬
 戌季瞻王公有修志之舉張君曉山馮君孝伯實與茲役懷璋
 亦濫竽焉書既成顏之曰重修興平縣志為卷八曰地輿曰建
 置曰田賦曰官師曰人物曰風俗曰藝文曰雜識庶使後之君
 子得所觀覽焉抑余竊有說焉天下不患無善俗而患無政教
 不患無政教而患無人才沐邦淫酗康叔作新江漢泳方召公
 興平縣志 卷一 序 五 西安森林印書社代印

成化轉移風尚之權其果操之氣數歟興平當兩漢時人才輩
 出所為焜耀於道德功名文章之地指不勝屈自唐以後風氣
 蓋少歇焉雖高官厚祿亦復誇耀一時不數傳而風流雲散求
 所謂及當世而昭來許者蓋寥寥罕覩也然則生是邦者當思
 奮發孟晉追躡前蹤如世所稱仲舒伏波孟堅其人者為之發
 百代之華而壯鄉邦之采而使後之操史筆者得不枯於墨池
 之瀋斯誠地靈之所默慰而人倫之所漸期者也因輯邑乘而
 低徊及之願與興人士共勉焉邑人徐懷璋謹撰

序

周禮小史掌邦國之志今之郡縣古之小侯邦國之志即今郡
 縣之志也蓋封建之世太史采詩以觀風俗小史稽志以備掌
 故凡以課邦國之殿最以裨補政教法至善也郡縣制行中央
 集權王朝有史邦邑無志小史職廢而天下郡國之文獻失傳
 久矣自黃圖決錄諸書出乃始為方志權輿自朝邑武功諸志
 出而邑乘又多善本新城王文簡公云有明一代郡邑名志多
 出於秦朝邑武功為之最四庫提要亦數數褒贊及之豈以義
 法精旨辭整規撫龍門一洗地志繁冗之弊耶亦箴砭政俗於
 義尤有取爾也清宮讓政國號共和雖曰民主民之憔悴也實
 興平縣志 卷一 序 六 西安森林印書社代印

甚兵禍之酷烈糾紛賦歛之負擔日重青青子矜半襲戎裝費
 宮廟學鞠為茂草水旱之災降自天植礦之貨棄於地物產不
 見盈豐風俗日益侈敝無以紀之奚以考世變而為補牢之計
 乎吳橋王季瞻先生宰是邑於軍務倥偬之暇急集同人重修
 邑志事有似緩而實急似迂遠之務方靈皋所謂於世道人心
 政法默有關係者僅云備一邑故實抑未也裕承謹承乏茲
 役編纂既竟例得颺言略述志乘興替之由而賸以民國之近
 狀知今茲之舉微特存此邦文獻元元憔悴之秋或因此劫餘
 文字以解倒懸於萬一焉當亦仁人君子所樂於觀覽者也邑
 人馮光裕謹撰

凡例

一此次編輯邑志係合胡志顧志王志及續纂而成名曰重修興平縣志

一顧志之修訖於乾隆四十二年後雖有士女續志其他各門均係缺如故提倡重修以資考鏡

一續修方志本宜遵章氏義例別纂後惟顧王諸志卷帙已繁再續則殊嫌旒贅故倣班書融納史記之例都為一集以便檢閱

一乾隆四十二年前多仍舊志間有刪節因限卷幅欲觀其詳舊志俱在

興平縣志 卷一 凡例 一 西安藝林印書社代印

一登載人物例以四則或經國家章表或有著作尙存或因譜牒可徵或以輿論素孚符此則登背此則否採訪雖勤耳目難周不無遺珠之憾達者諒之

一人物志名臣改書列傳名儒改書儒林佞倖宦寺改書雜傳悉沿史傳舊名非敢臆造

一舊志有高士一門今無其人甯缺無濫新增一行賢媛諸傳例詳志中

一科貢之年代有無學員之畢業與否婦女事蹟之詳略失於不載與失於濫載者竊恐不少但據採訪所及一一照登

一議員及畢業學員皆係新增政體既更功令宜從惟舊志載

止貢生此次載錄限以中學以上

一憚敬氏云清制命婦不旌門旌門之典為庶民設也然窮氓下戶與者寥寥此次採錄節婦耳目所及已旌未旌一不敢遺闕幽表微義在於斯

一此次輯志溯自乾隆百六十年之故事傳訛挂漏極知不免閱者諒之

一修志係通儒之事不佞識既擣昧學復荒落濫竽斯役愧無勝任搜輯成帙留後賢刪潤之稿而已如云修志則吾豈敢

興平縣志 卷一 凡例 一 西安藝林印書社代印

興平縣志目錄

地理

建置

田賦

官師

人物

風俗

藝文

雜記

興平縣志

卷一

目錄

西安書林印書社代印

